

بهاالمسية لينا ويا الحزن ميعاد وكر بلا تنعاد بمحنة السجّاد

دمعي يسيل

أنا العليل

لمصاب ابويه ليلي ونهاري أصيح
مثله مثل طير يرف طايح جريح

من أنظر الماي انكر حسين الذبيح
ما يهدا قلبي المنفجع ما يستريح

ما عاد يطير

جنحه كسير

عاينته عاري بالثرى مفري النحر
الدينا حمرة والدمع دم انحدر

قلبي تقرح حزني چن موجة بحر
دمه يفور حاله ظل يبجي الحجر

قصتي عجيبه سل كربلا
ريت عميه عيني في هالفا
قشره هالنوايب فتني البلا
بالدما شفقتهم صدري غلى
وسفه يشتمونه بين الملا

بدمعتي السجيبه
زيدت ونيني
صرعى بالتراييب
شلون ودعتهم
لليسر خذونه

أروي المصيبه
هيّجت حنيني
شوفة الحبايب
عزوتي عفتم
قوه قيدونه

أبجي اعلى حسين لو زينب سبيّه
يقطر الدم من تهل دمة رقيه
لو حجت تلعب عليها سياط اميّه

تختنق بي عبرتي
ترفعه اهل الخنا
بصدري اتشب زفرتي

من أصد بحسرتي
راسه ابعالي القنا
من أعايين عمتي

تنخى بو الحسنين

تشكف ابجفين

شهقت ابغصتها باحضان المنيه
بالحبل مچتوفه بظهور المطيه
أبد ما أنسى الجرى بالغازريه

اخطي ماتت بالدرب
نحلت جسمي الحرم
شاهد اعلى الفاجعه

خوله من كثر الضرب
قلبي شيبه الألم
بيدي حز الجامعه

هل دمع عيناى

من أشوف الماي

طال النقيب صبرك عجيب

يعجر يحمله الكون ايهد الراسيات
تبكي عليك الواقعه والعاديات
ياللي انسقيت السم وكل الناييات
لمصابك الليله تتوح الكائنات

ونك خفت عينك غفت

ما تومض انجوم السما أمست سواد
ماج العرش وارتجت السبع الشداد
ظلمه المدينه والكردر عم العباد
هذي العوالم أوحشت تعلن حداد

طيبه يا نجمها تعتصر بالمها
ضيّعت يتاماك چان عزها بحماك
الباقر ابفجيعه مهجته صديعه
مرتمي اعلى صدرك ييجي من ينظرك
نكّست علمها غيايك عسير
لا تظنها تنساك فقدك مرير
نازفة دموعه قلبه كسير
شلبصر في أمرك دمعه غزير

كوكب العصمه ارتحل نايم ابجبر الأجل
ظل ابو الباقر طريح يمه سكينه تصيح
غمض الوالي الجفن شاله اوليده ابحزن
خامس اليّمه قتيل ابلا جنايه
روحه سلمها إلى چف المنايا
غسله واتذكره ابظهر المطايا

شاف اثر لقيود ورمّت لزنود

والمدامع تنهمر اتذكر دروب اليسر
هلّت له شيعته خلق رفعوا اجنازته
لكن حسين انذبح جثه بالغبره انطرح
چفنه ابخرقه چوت چبده الرزايا
للبيع ابهييه اتشيعه البرايا
ويه انصاره بلا اموارى عرايا

غسله دم جاري چفنه الذاري

بهالمسية لينا ويا الحزن ميعاد
وكر بلا تنعاد
بمحنة السجاد

هَذَا اللَّطْمُ يَرُوي الهِظْمُ

هذي المدامع تشرح افضول العذاب
ما تطفى ناري قلبي اضناه العتاب
لو أحتي يعني أفتح جروح المصاب
أعتب على الشمس اللي جلتها السحاب

صعب الهجر كافي صبر

ما ظل أمل عيني على يوم الفرج
يمتى نشوفه نورك اعلينه انبلج
الشيعه ترقب طلعتك يبن الحُجج
هالغيبه طالت والألم فت المُهج

| | | | |
|----------------|----------------|---------------|-----------|
| سيدي رجيناك | من قلب نخيناك | لا تظن نسيناك | يبن الحسن |
| إنهض وخذ الثار | تدري بأمك شصار | من رزية الدار | شافت محن |
| بدت الفجايح | صارت الفضايح | خانوا الودايح | أهل الفتن |
| أعظم المصايب | ضيعة النجايب | باليسر يغايب | آه يا زمن |

| | | |
|-------------------|------------------|------------------------------|
| نحسب ايام العمر | بالحشا يلهب جمر | نندبك يالمهدي يا سيف الشريعة |
| شوف دين الله انتم | ثور يا نور الظلم | إحصد الباطل يسلمطان الوسيعه |
| عجل ادرك شيعتك | يمتى موعد جيتك | ننظرك هذا العهد لا ما نبيعه |

إحنه لك أنصار دونك الأعمار

| | | |
|-------------------|------------------|------------------------------|
| قوم وانشر رايتك | قوم وانشد غايتك | إخذ ثار حسين واطلب دم رضيعه |
| خلفك احنه الكربلا | فيها إتمام الملا | زوره خلنه نسمع اوراد الفجيعة |
| جدك انصب ماتمه | واسي امك فاطمه | اشفي مهجتها البقت بعده وجيعه |

إنته سلوتها داوي علتها

بهالمسية لينا ويّا الحزن ميعاد
وكر بلا تنعاد
بمحنة السجاد